


Wia  
**GAD MÖRTN**  
heawoan is



Mar  
Brandmaier

# **Wia gad mörtn heawoan is**

(von den Anfängen bis zur Markterhebung)

Zwoatausnd Joah is's guatöng hea  
Wanns klöckt — kunt sa, soga nu meah —  
Doat hamds scho na(ch) da Doanalendt  
Enz Trima Flössa affaglendt  
Zeascht aua af da Trau(n) mön Kaö  
Sche zügö, hea und hea getaoö  
Wanns b'Mutzn gögn an Fösn pröt  
Hats gen ön Schöffdnecht a(w)ögschnöt  
Hintna(ch) aft ö dö Doanareim  
Mögns wieda d'Roß nöt föstbmua treim  
Weu gehns z'lab drei(n), daß' 's Gschia z'weng spannt




Da keman d'Saima duröganand  
Brauchts netta grad um 's Gspian vaschnei(dn)  
Aft wamst öss' ba'na Schnön wo ei(n) —  
Wanns mannsheo van an Strub headeiföt  
Han d'Schöffleit iawö kloa vazweiföt  
Weu z'gwahts eah 's Steir, aft kriagts an Öck  
Stöts p'Plöttn af, is d'Schiftung wögg  
Baö 's Pruasoa ba'na Krump nöt glangt  
Aft hat öss' ge(a)n ban Gransl gfangt  
Habt 's Heonau amaö nimma hea  
Lögt eahm da Buasn schnä daquea  
Ön Kaö de(a)fs ja nöt pvü daschledan  
Weu d'Handla mögns aft nöt dö Gledan

Wo b'Bruck is heit, hams zuag'lendt  
Und d'Saima hamd scho b'bi(d)n herent  
Dös Krötzl doat hams 's Roßdeof dnennt  
Wo bstandtö d'Roßfuahwera stehnd  
Heit hoaßt dös Gstaunarat Landshaag  
Va doat wög rackans ei(n) gögns Prag  
  
Dö was mön Saöz va Passa keman  
Und a den sewögn Saumwög nehman  
Hand af da Saözach und am Inn  
Va Reichahaö, Hallein da drin  
  
Af Roßdeof awa, doat hamds stad  
Hamd af da Mautstö p'Plöttna g'laat  
Aft ackans ei(n), da Moidau zua  
Toand schiwöweis ban ins da dua  
Tagteglö baöd ön oana Röck  
Bis iwa d'Loatan volla Söck  
Ös hand a bmua, dö hamd koan Wagn  
Dö lassns eahnö Mulö tragn  
Sogoa mön Waagscheit hamd ös's d'zaht  
Da hats eah 's Dnack oft sche(n) vadraht!

Dö Zeit wiad Bronzeäota dnennt  
Koa Eisin hat ma nu nöt g'kennt  
Da dnozt ö da Goaßkira int  
Da Deidö ban an Fösn hint  
Dea muar an goidan Schatz bewacha  
Ma(n) heatn oft bis affa lacha  
Wann wo a Dnecht recht godleos fluacht  
Dea ba da Finstan 's Loatseu suacht  
Is eh leit, dar eahm koana traut  
Dea'n va den Gfösat auöhaut  
Bis afamaö a Schöffdnecht kimt  
A Moadstrum Peank und wieslflink  
Dea staubtn aus, daß' blitzt und kracht  
Und hat den Sack aft affab'bracht  
Ös brauchts nöt moan, mia beund eng a(n)  
Schauts hea, weu ma's beweisn ka(nn)  
Mia ham den Sack van Deifö da  
Ös geht koan oazögs Trimö a(b)





Wanns dera Gschicht ammendt nöt trauts  
Hea Landeshauptmann, dann valaubts  
Mia stöckan eng a Fiwö a(n)  
Dös ollaschena Trum davo(n)


(die zwei Mädchen treten nun vor den Gast hin und stecken  
ihm eine Fibel an)

Stammt wiaklö aus da  
Bronzezeit –  
— Hiaz hiad da Deifo  
a sei Freid! —



Gad Mörtn hats doat nu nöt g'gom  
Dö Gögnid id nu nöt bsiedlt gwön  
Eascht guadö tausnd Joah dana(ch)  
Bleimd scho an ötla Handla da  
Baund eahr a Hittn af da Öm  
Van Handln laßt sö haöwögs löm  
A so gehts Joah fia Joah aft weida  
d'Leit wean sche kloaweis oweu gscheida  
Ka(u)m ham ma 's Mittlaöta gschriem  
Hand oweu mehra henga b'bliem


Herowas Mittabeag, p'Fiagned  
Wo's gögn af d'Doana awögeht  
Hams Sachan liegn, so vü, ganz aus  
Wia heit a mittas Lagahaus  
Lalachadtristn, Peagament  
Uns Ö(l) und Saöz hats g'göm da ent  
Ganz Beage Pfluagschoan, Hackan, Krampm  
Hams liegn ghat af dö Laderampm  
Dös Zeig ham p'Föagna umma b;bracht  
Und d'Saima hams ö's Behm vafracht  
Va doat hams wieda p'Viecha ghoit  
En Hopfm, 's Glas, sö Sachan hoid  
Dö was ban ins herent meah gehnd  
Daß' ja nöt z'lang ön Schupfman stehnd



Daweu ma schaut, mit lautan Rackan  
...ön Handln, Wiatn und ön Ackan  
Entstehnd dö Deafa na(ch)anand  
Af dö Oat, wia mas' heit nu hamd  
Hiaz wagt eahm d'Öwaröst scho hea  
Da Rittastand und dealoa meah  
Sche kloaweis ruckt da Adl viera  
Und doat und da bauns wo a Kira  
Wos' gschwindt eahn gschicktn Heilögn ham  
Gats a koa Gwiagst nöt wögn an Nam  
Af ja und na is's aft a Bmoa  
Va doat wög rennts hibsch oiß alloa

Ka(u)m hans a Bmoa, scho möchtns ge(a)n  
Baös geht, a Moakgemeindtö wean  
Na(ch)n Gsötz geht awa dös eascht dann  
Wanns zeascht fian Kiada 's Rech(t)n ham  
Und liegnans mit da Baustruktua  
Am löstn Stand, hams Heisa bmua  
Stehns wiatschaftlö und kulturä  
Nöt z'weit danöm, dann gehts oft schnä  
Weus aft ön ganzn Bundesland  
Scho haöwögs eah Bedeutung hamd  
Gad Mörtn is dös oiß önstand  
Ös hat an E-Weak ba da Hand  
An eignö Brauarei alloa  
An enzö Industrie fia d'Stoa  
Dö Krama, 's Lagahaus und 's Gschloß  
An Schiwö Frechta statt dö Roß  
An annehmboan Beamtnstand  
Hapguadö Baum ois Hintaland  
A Musö hat a Moak, a gscheida  
Und Spoatla, p'Feiweah und so weida  
Begeistarung ba aöd und jung  
Is heitzatags fia Bmoa da Dung  
Und d'Doana ham ma gschickt heabei  
Dös hams woanast a nöt glei  
d'Schantan und d'Schuin und b'Bankn,  
p'Post


Toand a neot, wanns a föst öps kost  
Und d'Siedlung wachst sö sauwa zam  
Mit lauta grechtö Leit, koa Kram!  
Gabs nöt dö Heislbaua bmua  
Wa(r) ba da Wiatschaft lang Müh zua  
Oi Joah wean d'Summafrischla meah  
Va haöb Eiropa toans dahea  
Doat wo sö d'Wiat eahmsämtö riahn  
Doat höbt a 's Gweawe a(n) san bliahn  
An Moakplaz ham ma, daß ma schaut  
d'Umfoahrung is hiaz föadöb'baut .



Und wann eahm — wia ban ins — wea scheat  
Aft hat a d'Denkmaöpflog iahn Weat  
Ban ins stehnd Kreiszäun umanand  
Wias' ninascht koanö schenan hamd  
Weu d'Stoamötzkunst ban ins is aöt  
A siem- achthunat Joah scho baöd  
Dö Haua zeichnan sö scho aus  
Mön Gsims ban Tuam van Gschloß  
Neihaus

Want kimt nu a Kunstwea(k) viera

Ba aödö Heisa, ba da Kira —  
Ehs' wodawö öps Gressas baun  
Is's gwiß, daß' zeascht zan ins heaschaun  
Oi Damlang stehngans da z'Neihaus  
Und klaumd eah d'Stoa, dö schenan, draus  
Fia Wean, fia Mailand und fia Rom  
Und hintahea fian Linza Dom  
A z'Moskau büdtnö ös sö ei(n)  
Eah Pflasta mua va Plöcköng sei(n)  
Da ganzö Reodö Plaz alloo  
Is lauta insaröga Stoa



Ön Dallas ent, z'Amerika  
Ön Texas, ö da USA  
Is d'Rathausfront van insan Stoa  
Meah ka(nn) ma wiaklö nimma toa!  
Neihaus hat seithea an Ruaf  
Wia z'löst — ban Kraftweaksbau —  
mön Wuaf

Wass' om, ban Land, am mehran gfreit  
Gad Mörtn hat so gschicktö Leit!  
d'Regierung lost scho kloaweis af  
Gad Mörtn macht sö awa brav  
Dös is scho lang koa Deaffö nimma  
Da muaß' a ba da Bmoa hibsch stimma  
Und 's Oatsgefüge is fei(n) stoak —  
Wißts was, mia machans zan an Moak!

Hea Landeshauptmann, eahlö gsagt  
Mia hamd ins weidas nia böklagt  
A Moakeahöwung is a Freid  
Wiad awa eh scho hechstö Zeit  
Feat hand ins scho an ötla via  
Weit freodöganö ois wia mia  
Dö oan hamd mit da Straß meah Glick  
*Mia* machan Wiatschaftspolödik!

Hiaz sehgt ös's säm, *mia* toand, was geht  
Daß d'Republik nu lenga steht!

Max Brandmaier

1984



